

Ggocar

Ggocar ni yarzi sulku a, cir ni cir miar bei a, yarzi bei le. Ni zzirdae camu yilsi zza zza? Halcar a, ngo zzirdae yilsi nr zza, si lo zzezze lei eine sulku, si ho a zzael arddol ssi lei nr saexl, azo lei vei si nr cexr. Nael eilboxl ngo mel Arbosobo leil ddarzzi a, ngo zzirdae camu yilsi zza. Miar bei a yarzi sulku bbeixanar ngo nixmox zzar ggese. Ngo zzirbae si sael nr be, zzaegu mel lei si sael naxr-nr-cixl bbeixanar ngo halae ggese. Ngo saexl middurbbor ddei zzaegu mel mel gol dae seir eilleix lar sser; arddolcar si ho a mel, cirdoxr lei vei si nr cexr.

Ni lei Arbosobo leil ddarzzi arddeirnga a mel, yar ni leil beijjiur var. Ni nixmox zzar cixddu zza a, si dax biar nr cexr a lei, Arbosobo dax biar cexr. Yar mel ca mel leil yarzi perniar, ca mel leil zoxlnixr, sol su be su maelmaerjjia leil lei ciryoxr a nga.

Arbosobo mel seir zzir ddei nga, zuixl cirdoxr lei nr zza. Yel yar zuixl zza halmel leil vuxryixr; nr seir lalal a cirdoxr bei zzorbbeixlei, yar halae vuxryixr. Nael ca mel zzael cirddei-hanga lei bei nr ddo

Ggocar

halmel bei meixr, yaa cirddei-hanga lei zuixl zza a. Yel Arbosobo yaa leil faxr nia, yar dax cirgo a nr hher lol. Ca mel dder armael ddei armael leil koxl dae a, Arbosobo yar leil nr seir mel ssoxrsuxl lol niazzir a, nael bei ci nr xie.

Yel Arbosobo ca mel leil zoxlnixr a, yaa leil faxr nia-nr-zzir a, yaa leil jiuxl su ar ddei lei lol a. Jiuxl su hal ddei leil mel Yisu mi. Yisu mel ca maelmaerjjia ddei zuixl mel leil weix a, sixrzixljiaxl leil diexr zil a. Giedae so ni goxr ho a, Arbosobo yar leil gol du xixl lei lol a, yar dax cirgo a merhhexr gga hher dae a. Yel ca mel Yisu yaa leil weix a si ddarzzi a mel, Arbosobo dder yaa ddei zuixl mel ssoxrsuxl a. Yaa leil faxr labox ddei Yisu leil faxr ho a. Yel dder yaa leil ssoxrsuxl a, nr faxr a, yar dax cirgo a hher cexr.

Arbosobo ddei Sul ber leil vaexr dae a bbeix: “Ni meir gga Yisu mel Seirpor a cexrssexl a, nixmox zzar yar si a Arbosobo yar leil gol dul xixl lei lol a eine ddarzzi a, ni leil dder jiuxl wo ddo a.”